



ILLOQARFIUP ILAANUT PILERSAARUT 3E2-1
KOMMUNIMUT PILERSAARUMMUT TAPILIUSSARTALIK NR. 5
SARFAARSUIT QOORUAT,
ATAAVARTUMIK QISUNNIK INAALITSIVIK



NUUP KOMMUNEA

TEKNIKKIMUT AVATANGIISINULLU INGERLATSIVIK
AUGUST 2007

Imarisai

Imarisai	1
-----------------------	----------

Ilitsersuut	2
--------------------------	----------

Nassuiaat	3
------------------------	----------

Illoqarfiup ilaanut pilersaarutip tunuliaqutaa	3
--	---

Illoqarfiup ilaanut pilersaaruteqar-fiusoq.....	4
---	---

Illoqarfiup ilaanut pilersaarutip siunertaa imarisaalu.....	5
---	---

Pilersaarummut allamut sanilliullugu inissisimanera	9
---	---

Inatsisitigut atuuffiit.....	13
------------------------------	----

Oqallisiginera akuersissutigineqarneralu	14
--	----

Kommunimut pilersaarummut tapiliussaq nr. 5	15
--	-----------

Tunuliaqut	15
------------------	----

Sumiiffik	16
-----------------	----

Siunertaa imarisaalu	17
----------------------------	----

Killiliussaareersut	18
---------------------------	----

Killiliussatut aalajangersagaareersut.....	19
--	----

Siunissami killiliussassat	21
----------------------------------	----

Killiliussat nutaat	22
---------------------------	----

Aalajangersakkat	24
-------------------------------	-----------

§ 1 Illoqarfiup ilaanut pilersaarutip siunertai	24
---	----

§ 2 Illoqarfiup ilaanut pilersaaruteqarfik taassumalu agguattarneqarnera	24
--	----

§ 3 Atuineq.....	24
------------------	----

§ 4 Aqquserngit aqqusineeqqallu	25
---------------------------------------	----

§ 5 Sanaartukkat annertussusaa inissisimafialu	25
--	----

§ 6 Nunaminertat sanaartorfigineqanngitsut	25
--	----

§ 7 Teknikkikut atortulersuutit.....	26
--------------------------------------	----

Akuersissutigineqarneranut atsiorderit.....	27
--	-----------

Ilanngussaq 1: Nunap assinga

Ilanngussaq 2: Sumiiffiup agguataarneqarnera

Ilanngussaq 3: Pilersaarusiarnut titartagaq

Ilitsersuut

Illoqarfiup ilaanut pilersaarummi nunaminertat, illut nutaat, aqqusineeqqat, aqqusernit il.il. qanoq atorneqassanersut, inissinneqassanersut aammalu immikkoortup aalajangersimasup iluani qanoq iluseqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalajangersagartaqarluni.

Nassuiaatini illoqarfiup ilaanut pilersaaruttip siunertaa anguniagaalu naatsumik oqaluttuarineqartarput, illoqarfiup ilaanut pilersaaruseriorfiusumi eqqaanilu pioreersut aammalu illoqarfiup ilaanut pilersaarut pilersaarutitut allanut qanoq atuumassuteqarnerseq.

Illoqarfiup ilaanut pilersaruseriorfiusumi aalajangersakkat atuuttussaviupput.

Nunaminertanik atuineq pilersaruseriornerlu pillugit Inatsisartut peqqussutaat nr. 6, 19. december 1986-imeersaq, Inatsisartut peqqussutaanni nr. 17, 30. oktobari 1992-imeersukkut allannngortinneqartoq, aamma Nunaminertanik atuisarneq pilersaruseriornerlu pillugit nalunaarut nr. 23, 18. november 1992-imeersaq malillugit kommunalbestyrelsi illoqarfiup ilaanut pilersaruseriorfiusutaatitaavoq:

- Kommunip pilersaruseriornerata piviusunngortinneqarnissaa qulakkeerniassallugu piasariaqartinneqarpat.
- Angisuumik illuliassaq, atortulersuutit imaluunniit nunaminertamik tunniussisarnerit aallartinneqartinnagit.

Illoqarfiup ilaanut pilersaruseriorfiusutaatitaanermi siunertaavoq pilersaruseriornermi anner-tunerusumik ataqatigiissaarisoqarnissaa aammalu innuttaasut tamatumani peqataatinneqarnissaa anguniassallugu.

Taamaattumik illoqarfiup ilaanut pilersaarut sivikinnerpaamik sap. akunnerini arfinilinni tamanut saqqummiunneqassaaq. Taamaalereerpat kommunalbestyrelsip akerliliissutaas-innaasut allannguutissatullu siunnersuutaasinnaasut naliliiffigissavai, pilersaarut inaarutaasumik akuersissutigineqartinnagu.

Illoqarfiup ilaanut pilersaaruttip inatsisitigut atuuffii illoqarfiup ilaanut pilersaarummi erseqqissumik allaaserineqarput.

Nassuiaat

Illoqarfiup ilaanut pilersaarutit tunuliaqutaa

Illoqarfiup ilaanut pilersaarutit 3E2-1-ip, Sarfaarsuit Qooruat, ataavartumik qisunnik inaalitsivik, tunuliaqutaa tassaavoq, maannakkut qisunnik inaalitsiviup killiliussatut immikkoortumi 3E1-imiittup inissaarutilernera pissutigalugu nutaamik ataavartumik qisunnik inaalitsivimmik pisariaqartitsineq.



Qisunnik eqqagassaasiviugallartoq



Maannakkut golfertarfiusoq

Nuup Kommunea suliffeqarfinit, sanaartornernit kiisalu ingitserinermik suliaqartunit qisunnik igitassanik tigooqqaasarpoq. Qinnigutsinni sanaartornerit Nuullu illoqarfiata nutarterneqarnerata kingunerisaanik qisuit igitassat allallu sanaartornermit ikuallanneqarsinnaasut ukiuni kingullerni annertuseriarujussuarsimapput. Siusinnerusukkut qisuit ikuallaavimmi ikuallanneqartarsimapput piffissamili sivisuatsiaami ikuallaavimmi eqqakkat nalinginnaasut kisimik ikuallanneqarsinnaasalersimapput.

Killiulissatut immikkoortumi 3E1-imi maannakkut qisunnik inaalitsivimmik inissaaruttoqalerpoq, taamaattumillu ikuallaavimmi naammassisaqarsinnaassutsip pisariaqartinneqartup qulakkeerneqarnissaata tungaanut ataavartumik qisunnik inaalitsivimmik nutaamik pisariaqartitsisoqarpoq.

Killiliussatut immikkoortumi 3E1-imi ataavartumik qisunnik inaalitsivimmik pilersitsinerup kingunerisaanik ikuallaaviup eqqaani qisunnik inaalitsiviugallartoq imaarneqarsimavoq, taamaalilluni qisunnik eqqagassanik sukumiinerusumik immikkoortiterisoqarsinnaalerluni. Taamaattumik Sarfaarsuit Qooruani ataavartumik qisunnik inaalitsiviliornissaq qisunnik eqqagassanik sukumiinerusumik immikkoortiterneqarsimasunik tunngaveqarpoq, taamaalilluni eqqagassat allat

annikilleriarsimapput kiisalu ateqqiniissamut periarfissaqartoqarnerulerluni.

Qisunnik eqqakkat ateqqinneqarsinnaanngitsut avatangiisit aningaasaqarnerlu eqqarsaatigalugit ataavartumik qisunnik inaalitsiviliornissaq pitsaanerpaamik aqqiissutaassaaq.

Illoqarfiup ilaanut pilersaarut 3E2-1, Sarfaarsuit Qooruat, ataavartumik qisunnik inaalitsivik, killiliussatut immikkoortumi 3E1-imi, Sarfaarsuit Qooruat, qisunnik eqqagassanik ataavartumik qisunnik inaalitsivimmik atuinnissamut pilersaarusiornermut tunngaviliisuussaaq.

Ataavartumik qisunnik inaalitsiviliorneq naammassineqareerpat sumiiffik sukisaarsartarfittut atorneralissaaq, tassalu golfertarfiup allineqarneranut.

Illoqarfiup ilaanut pilersaaruteqarfiusoq

Illoqarfiup ilaanut pilersaaruteqarfiusoq Sarfaarsuit Qooruaniippoq taannalu kimmut Pinngortitaleriffimmut Qattaamilu inissiaqarfiup aamma kangimut golfertarfiup akornanniippoq.


Killeqarfia

Illoqarfiup ilaanut pilersaaruteqarfik 4,5 ha-it missaanniippoq kimmullu inissiaqarfimmut 3A4- Sarfaarsuit aamma qitiusoqarfimmut 3C6-imut Ilimmarfimmullu killeqarluni kangimullu 3D3 – Golfertarfik Pukuffimmut killeqarluni. Kujammut killiliussatut immikkoortumut 3E1-imut – Eqqagassaleriffik ikuallaavillu aamma 3B1-imut – Inuussutissarsiuteqarfik Pukuffimmut kiisalu avannamut 3D1-imut- Sumiiffiit sanaartorfigeqqusaanngitsunut killeqarpoq.

Titartagaq 1 takuuk

Nunataa

Sarfaarsuit Qooruat avannamut golfertarfimmut aqquserngullu Siaqqinnerup eqqaani Pinngortitaleriffiup akornannut



Titartagaq 1



Sarfaarsuit Qooruat

killeqarpoq, kujammullu
inuussutissarsiuteqarfiup Pukuffiup aamma
inissiaqarfiup Sarfaarsuit akornannut
killeqarluni.

Qooroq sukisaarsartarfittut avannamut
aqquserngup Siaqqinnerup ataatigut amcomik
ruujorikkut Nuffiumanermi
sukisaarsartarfimmut anginerusumut
toqqaannartumik attaveqarpoq.

Qooroq kujammut teknikkeqarfiusumut
ikuallaavittalimmut erngullu aqqutaanut
killeqarpoq. Qooqqup kujataatungaa
ullumikkut nakernanngitsutut
atorneqanngitsutullu isikkoqarpoq,
tamassumalu tikinneqarsinnaanera killeqarpoq
qooqqullu avatangiisaatigut aamma
tikikkuminaatsuulluni. Tamanna ilutigalugu
qooroq masarsuuvoq taamaattumillu
sukisaarsartarfittut atorneqarsinnaanera
killeqarluni.

Sumiiffiup kujataatungaani Iggiaaniit
avannamut Nuffiumarngup tungaanut sissamut
sumiiffik sukisaarsartarfimmik pingaarnermik
attaveqartinneqarpoq. Aputeqarluartillugu
Nuffiumanermi sisoraatinik oqilaniuttartut
aqqutaannut atasumik sisoraatinik
oqilaniuttartut aqqutaannik pilersitsisoqassaaq.
Ilanngussaq 1 takuuk.

Illoqarfiup ilaanut pilersaarutip siunertaa imarisaalu

Siunertaq

Illoqarfiup ilaanut pilersaarutip qisunnik
eqqakkanik ataavartumik inaalitsivimmut
nunaminertamik qulakkeerinnittoqarnissaa
siunertarivaa. Pilersaarutip ataavartumik
inaalitsiviup sapinngisaq tamaat avatangiisit
mianeralugit pilersinneqarnissaa
qulakkiissavaa, tassunga ilanngullugit
golftertarfimmik sisoraatinillu
oqilaniuttarfimmik sukisaarsartarfittut atuineq.


Tamanna ilutigalugu illoqarfiup ilaanut
pilersarutip inaalitsiviup
pilersinneqareerneratigut sumiiffittut D-tut,
sukisaarsartarfittut anginerusutut,



Qooroq ullumikkut kiisalu inaalitsivilioreernerup
kingorna takussutissiaq.

Titartagaq 2: sumiiffiup agguataarneqarnera.

immiisoqarsinnaavoq erngup aqqutaanut 10 meterinik ungasissusilimmi. Erngup aqqutaanut atasunut sanaartukkanut tamakkiisumik appakaattoqarsinnaassaaq.



Titartagaq 3: Inaalitsiviup tunngaviusumik isik-kua. Ujaqqanik, ujaraqqanik, issumik kingusinnerusukkullu ivinnik qallerneqartussaq.



Titartagaq 4: Qisunnik inaalitsivik saneraaniit isigalugu, inaalitsivik manissoq kitaatigullu kus-sineq.

Qisunnik eqqakkanik inaalissuineq

Qisunnik eqqakkat inaalitassat 10 – 15 cm-isut takitigisunngorlugit killorneqartassapput naqinneqartassallutillu. Inaalitsiviliorneq inaarsarlugu inaalitsivik ujaraqqanik, ujaqqanik issumillu qallerneqassaaq, taamaalilluni qisunnik eqqakkat poorneqassammata.

Piffissat aalajangersimasukkuutaarlugit inaalitsiviliortoqassaaq, tamatumani piffissaq inaalitsiviliorfusooq ujaraqqanik ujaqqanillu qallerlugu inaarsarneqartassalluni, taamaalilluni inaalitsiviup avatangiisaaniit isigalugu isigiuminaannera annikinnerpaaffimminiinniassammat. Taamaattumik qisuit inaalitat sivisunerpaamik sapaatit akunnerani ataatsimi matoorneqarsimasassanngillat.

Inaatsiviup atornerarnerata nalaani inaalitsivik ukiumoortumik issumik inaarsarneqartassaaq ivigassanillu siaruarteriffigineqartassalluni taamaaliornikkut sukisaarsarfimmut pilertornerusumik ilanngutitsinneqarsinnaassammat. Issup naqinneqannginnissaa anguniarlugu sulinnermut atatillugu aqqusineqartinneqassaaq qamutinillu motorilinnik angalaneq tamarmi taassuuna ingerlanneqartassasoq innersuussutigineqassalluni.


Inaalitsivik avatangiisit illersorneqarnissaat pillugu Inatsisartut inatsisaanni nr. 12, 22. decembari 1988-imeersumi kapitel 5-imut ilaatinneqarpoq. Inaalitsivimmut avatangiisinut akuersissuteqartoqarnissaa piumasaqaataavoq.

Nunap suliarinera

Inaalitsivik manissuutinniarneqassaaq. Qisuit inaalinneqartut asiuserneri malillugit nuna

ilusiniikkiartornissaa golfertarfimmut naleqquttuussaaq.

Inaalitsivik atugassanngortinneqarpoq atugassanngortinneqartoq kujatimigut annerpaamik nunamiit qummut uuttuut kote atorlugu uuttoraanni 27,5 missiliorlugit qatsissuseqartussatut avannaatungimigullu kote 35 angullugu qatsissuseqartussatut, taamaalilluni inaalitsiviup nunataa golfertarfimmut atasunngortinneqarsinnaalissaaq. Qisunnik inaalitsiviup avannaatungimigut immikkoortumut killiliunneqartumi 3D1-imiittoq sivingajaartinneqassaaq (30 %-ip missaannik), taamaaliornikkut qoorup inaalitsiviullu akornat imminnut attumalissammata.



Asseq 5: Qisunnik inaalitsiviup isorartussusia, qatsissusianik sivingamanillu takutitsisoq.




Najoqqutassatut takussutissiineq: Siaqqinnerup ataani amcomik ruujorimiit qooqqumi qisunnik inaalitsiviup tungaanut isikkivik.


Sumiiffik ullumikkut kujammut siunissami inaalitsiviusussaaq sinnerlugu imermut kussiortoqarpoq. Taamaattoqli inaalitsivimmi eqqakkat naqitat kussiuneq assissavaa, taamaattumilu imeq inaalitsiviup avannaatungaani aqquserngup Siaqqinnerup tungaanut katersuutissaaq. Immikkoortoq B-mi inaalitsiviliernerup kingunerisaanik sumiiffimmi sanaartorfigeqqusaanngitsumi 3D1-imi meterit marluk angullugit ititigisumik taseqalissaaq.

Itissuseq taanna sinnerlugu taseqalernat sumiiffimmi imeq nalinginnaasumik Siaqqinneq ataallugu ruujorikkut Nuffiumarngup eqqaani sisamut kuutsinneqartassaaq. Taamaalilluni avannamut imermik kuutsitsineq aqqusineq ikaarlugu nunamik ataqatigiittoqarneranik uppersaataassaaq.

Amcomik ruujorip eqqaani tatsimut ruujorikkullu imermik kuutsitsinermut tunngatillugu golfertarfimmiit



Asseq 6: Sukisaarsarfiusoq.



'Illoqarfiup sukisaarsartarfii pillugit pilersaarummut' Siunnersuutip saqqaa.

Nuffiuanermut aqqusineeraq qulakkeerneqassaaq. Tassunga tunngatillugu immiinikkut annikitsumik nunagissaasoqartariaqassaaq sumiiffimmiluunniit sanaartorfigeqqusaanngitsumi 3D1-imi aqqusialortoqassalluni.

Angallannermi pissutsit

Killiliussatut immikkoortumit 3E1-imit erngup aqquataa qarsullugu nutaamik aqquserniakkat sumiiffimmi tamarmi angallattoqartassaaq (ilanngussaq 2 takuuk). Erngup aqqutaanut atortulimmukarsinnaaneq innarlernagu tikinneqarsinnaajunnaarnaguluunniit aqquserniortoqassaaq.

Pilersaarummut allamut sanilliullugu inissisimanera

Kommunimut pilersaarut

Illoqarfiup ilaanut pilersaaruttip imarisai Kommunimut pilersaarummut 2005-2014-imut sanilliullugu allaassuteqarpoq. Taamaattumik illoqarfiup ilaanut pilersaarut Kommunimut pilersaarummut tapiliussamik nr. 5-imik malitseqassaaq taannalu illoqarfiup ilaanut pilersaarummut ilanngunneqassaaq.


Allaassutai tassaapput:

1/ killiliussatut immikkoortooreersumut 3D1-imut, Quassussuup Tungaani illoqarfiup ilaa, killegarfiit allanngortinneqassapput, taamaalilluni killiliussatut immikkoortup 3D1-ip ilaa killiliussatut immikkoortumut 3E2-mut nuunneqassallutik.

2/ killiliussatut immikkoortumi 3E2-mi nunaminertanik atuineq tekniikkimut atortunut kingusinnerusukkullu sukisaarsartarfittut atorineqartussanngorlugit aalajangersarneqassaaq.

Kommunimut pilersaarummut tapiliussamut nr. 4-mut siunnersuut, illoqarfiup sukisaarsartarfii pillugit Pilersaarut

Kommunalbestyrels 29. maaajimi ataatsimiinnermini kommunimut



'Illoqarfimmi sukisaarsartartinnut tunngatillugu pilersaarummit' assiliartaliussa; sukisaarsartarfiit imminnut ataneri aamma Nuffiuanermi sanaartukkat nutaat.

pilersaarummut nr. 4-mut siunnersuut 'Illoqarfiup sukisaarsartarfii pillugit pilersaarut' tamanut tusarniaassutiginiarlugu aalajangerpoq.

Illoqarfiup sukisaarsartarfii pillugit pilersaarummi aqqissuussaasumik isumannaarinissaq eqqarsaataavoq, immikkoortut sukisaarsarfiusut qanoq aalajangersagaqarnissaat kisiat pinnagu aammali qanoq iliuuseqarsinnaanermik inassuteqarsinnaanissaq ilanngullugit, illoqarfiup pinngortitartaata iliuuseqarfigineqarnissaanut nukittorsaaqataasunik.

'Illoqarfiup sukisaarsartarfii pillugit pilersaarut' Nuummi nunaminertanut sukisaarsartarfiusunut tamanut tunngavoq pilersaarummilu nunaminertat tamakku illoqarfimmi innuttaasunut Nuummilu sunngiffeqarnermi qanoq pingaaruteqartigineri nalilersorneqarput.

Illoqarfiup ilaanut pilersaarut 3E2-1 Illoqarfimmi sukisaarsartarfiit pillugit pilersaarummut naapertuuttuovoq pilersaarutillu ilaatut ilanngunneqarsimalluni.

Illoqarfimmi sukisaarsartarfiit pillugit pilersaarummi golfertarfiup Siaqqinnerup ataani Sarfaarsuit Qooruat atuarlugu Nuffiuanarngup kangiatungaata tungaanut allineqassasoq siunnersuutigineqarpoq. Tamanna ilutigalugu pilersaarummi siunertarineqarpoq, sukisaarsartarfinni aqqusineeqqat tallisarneqarusaarumaartut, taamaalilluni illoqarfik aqqusaarlugu sissami sukisaarsartarfiit imminnut atassusersorneqarlutik. Aqqusineeqqat ilaat Nuussuup kujataatungaaniit avannamut Nuffiuanermut ingerlavoq, aqputaanilu Siaqqinnerup ataani Sarfaarsuit Qooruaniit Nuffiuanermut atalluni.

Pilersaarummi Kommunimut pilersaarut 2005 – 2014-imi asiariarfissatut taaneqartut tunngaviupput sukisaarsarfissanut pilersaarummi, taamaalillunilu kommunimut pilersaarummi immikkoortortat D-tut taaneqartut, soorlu immikkoortortat

sanaartorfiunngitsut asiariartarfiillu
annertunerusut tunngavigineqarlutik.

Sukisaarsarfinnik sukumiinerusumik
misissuinermi tunngavigineqartut tassaapput
pitsaasusaat taakkulu sisamanut
immikkoortunngorlugit
naliliiffigeqqinneqarput, tunngaviit sisamat
aallaavigalugit:

1. Immikkoortut nunatamikkut
pitsaassusiat aallaavigalugu
sanaartorfiunnginnissaat.
2. Immikkoortut
periarfissaqassutsimikkut
iluatinnaatillit sukisaarsarfissatut
pigiinnarnissaat, nutaanilli
sukisaarsarnermut atatillugu
atortulernerqarsinnaasut taamalu
aaqqissuussaannerusutut
isikkoqalersinneqarlutik.
3. Immikkoortut
sukisaarsarfigineqarsinnaanermikkut
naleqquppallaannginnerit
taamaalillutillu illoqarfimmut
tunngasunut allanut piukkunnarnerusut.
4. Immikkoortut nunatamikkut
imaluunniit tikikkuminassutsimikkut
ajornakusoortut sukisaarsarfissatullu
iluatinnaateqanngitsut illoqarfimmi
asiariarfiusinnaasunit peerneqarnissaat.

Immikkoortortat 3-mi aamma 4-mi taaneqartut
sukisaarsarfinnik aaqqissuussinissami
ilaatinneqassanngillat.

Peqatigitillugulu pilersaarummi
immikkoortortat Kommunimut pilersaarummi
illoqarfimmut atatillugu siunertanut allanut
atugassanngortinneqartut (soorlu A, B, C, E
imaluunniit F) sukisaarsarfinnik
aaqqissuussinermi ilaatinneqarnissaat
naliliiffigineqassapput, tassa 1-imi 2-milu
tunngavigineqartut aallaavigalugit.
Nalileeqqinnermi siunertarineqarpoq
aaqqissuussinermi taamaallaat sukisaarsarfittut
immikkut iluatinnaatillit ilaatinneqarnissaat.

Illoqarfiup ilaanut pilersaarutit

Illoqarfiup ilaanut pilersaaruteqarfik nutaaq 3E2-1 illoqarfiup ilaanut pilersaarummut maannakkut atuuttumut ilaatinneqanngilaq.

Nuummi Mittarfimmut illoqarfiup ilaanut pilersaarut maannakkut atuuttoq 1982-imeersoq manna tikillugu 3E2-1-imik taaguuteqarsimavoq. Illoqarfiup ilaanut pilersaarummik matuminnga akuersissuteqarnikkut taaguutaa allanngortillugu Nuummi Mittarfimmut pilersaarut 3F1-1-nngortillugu allanngortinneqassaaq, Nuummi Mittarfik, tamannalu Kommunimut pilersaarut 2005-2014-imi killiliussanut taaguutigittinneqartumut naapertuuppoq.

Avatangiisini iliuuseqarnissamut pilersaarut

Illoqarfiup ilaanut pilersaaruteqarfiusoq kommunip eqqagassanik suliarinnittarneranut ilaatinneqarpoq. Kommune avatangiisini iliuusissatut pilersaarusoqqammerpoq, tassanilu avatangiisit eqqarsaatigalugit anguniagassat suliniutissallu aalajangersarneqarput, tassunga ilanngullugu eqqagassanik suliarinnittarnek. Tassunga tunngatillugu periarfissat tullinnguuttut makku ilaatigut misissorneqarput:

- Ikuallaavimmi
naammassisaqarsinnaaneq
pisariaqartinneqartoq qanoq
qulakkeerneqassanersoq
- Eqqakkanik ikuallatassanik allatut
iliuuseqarluni suujunnaarsitseriaaseq
- Qisunnik atoqqinneqarsinnaasunik
immikkoortiterineq
- Angerlarsimaffinni
naggorissaatissaliornerit

Avatangiisini iliuusissatut pilersaarut 2006-2010 2006-imi novembarimi kommunalbestyrelsimit akuersissutigineqarpoq.

Teknikkikkut pilersuinerit

Kuuffissuarnut, imermut innaallagissamullu pilersuutit nutaat nunap iluatigoortinneqassapput. Pissutsit immikkut ittut ajornartitsinnigippata nunaminertat ledningit qaaviniittut sanaartorfigineqaratillu aalajangersaaffigineqassanngillat. Ledninginut atortunik allanngortiteriataartoqassappat tamanna ledninginik piginnittumut aningaasartuutaassanngilaq ledninginillu piginnittut pillugit malittarisassat malinneqassallutik.

Imeq nunap qaavaniittoq kuuttorlu kuuffissuarnut kuutsinneqassanngilaq erngulli eqqaani sanaartukkanut, aqqusinernut, aqqusineeqqanut, nunaminertanut sanaartorfigineqanngitsunut assigisaannullu ajoqutaanngitsumik kussiornikkut allamut kuutsinneqassallutik, illoqarfiup ilaanut pilersaaruteqarfiusumi taassumalu avataani – assersuutigalugu kussiornikkut.

Inatsisitigut atuuffiit

Illoqarfiup ilaanut pilersaarummi siunissami sumiiffimmi ineriartorneq aalajangersaaffigineqarpoq. Taamaattumik allanngortoqaraangat aalajangersakkat aatsaat atuutilersarput. Manna tikillugu inatsisinik unioqutitsinngitsumik atorneqarsimasut taamatut ingerlaannarsinnaapput – aamma piginnittut allanngoriataassagaluarpataluunniit.

Inaarutaasumik inatsisitigut atuuffii

Illoqarfiup ilaanut pilersaarut kommunalbestyrelsimit inaarutaasumik akuersissutigineqarpat tamanullu nalunaarutigineqarluni, taava nunaminertat atortullu illoqarfiup ilaanut pilersaarummut ilaatinneqartut illoqarfiup ilaanut pilersaarummi aalajangersakkanut naapertortuuttumik taamaallaat atorneqassapput sanaartorfigineqarlutilluunniit.

Pissutsilli immikkut ittut pissutigalugit
nikinganerit annikinnerusut immikkut
akuersissuteqarfigineqarsinnaapput.
Annertunerusunik nikingassuteqartoqartillugu
nutaamik illoqarfiup ilaanut
pilersaarusiornissaq piumasaqaataassaaq.

Illoqarfiup ilaanut pilersaarutip
kingunerisaanik imaannigilaq nunaminertat
atortullu pilersaarummi ilaatinneqartut
pilersinneqassasut.

Maannakkulli nunaminertanik, illuutinik
atortunillu inatsisinik unioqqutitsinngitsumik
atuineq taamatut ingerlaannassaaq.

Tassa ilaatigut imaappoq nunaminertat
atortulersuutillu manna tikillugu inatsisit
malillugit atorneqarnerat
ingerlaannarsinnaasoq, akерlianilli soorlu
nutaamik sanaartornermi atuinerup
allannguuteqarnera imaluunniit nutaamik
sanaartornissaq illoqarfiup ilaanut
pilersaarummut akерliussanngitsut.

Oqallisiginera akuersissutigineqarneralu

Illoqarfiup ilaanut pilersaarut 3E2-1,
Sarfaarsuit Qooruat, ataavartumik qisunnik
inaalitsivik, piffissami 06.06.2007-imiit 01.08.
2007-imut tamanut oqaluuserissanngorlugu
saqqummiunneqarpoq.

Siunnersuut pillugu oqaaseqaatit
akeliliissutillu ataasiakkaat tiguneqarput.

Tusarniaanerup nalaani Nuup Kommuneata
Nuuk Golfklub isumasioqatigalugu
inaalitsiviup ilusissaa aalajangersaaffigivaa,
tassalu inaalitsiviup atorunnaanerata kingorna
golftertarfioreersumut
allissutigineqartussanngorlugu.

Kommunalbestyrelsip Illoqarfiup ilaanut
pilersaaarut 3E2-1, kommunimut
pilersaarummut tapiliussartalik nr. 5, ulloq 27.
august 2007-imi suliarivaa
akuersissutigalugulu imaattunik
allannguuteqartillugu:

- Immikkoortup ilaa A immikkoortup ilaanut B-mut allineqassasoq, taamaalilluni immikkoortup ilaa A 75.000 m³-inik initussuseqartussanngorlugu immikkoortullu ilaa B 45.000 m³-inik initussuseqartussanngorlugu.
- Inaalitsiviup atuunnerani inaalitsivik ataavartumik inaarsarneqartassaaq ivigassanik siammarterinikkut issutalersuinikkullu. Immikkoortup ilaa A inaalitsivittut atorunnaarpat tamassuma inaarsarneqareerneratigut immikkoortunut sukisaarsarfiusunut ilanngutitineqassaaq.
- Ernup aqqutaanut ungasissusissamik aalajangersakkap iluani, tassa 20 meterit, ujaqqanik immiisoqarsinnaavoq erngup aqqutaaniit 10 meteritut ungasitsigisumi.

Naalakkersuisunit kommunimut pilersaarummut tapiliussaq nr. 5

ulloq 11/9 2007 akuersissutigineqarpoq.

Kommunimut pilersaarummut tapiliussaq nr. 5

Tunuliaqut

Kommunimut pilersaarut 2005-2014-imut Kommunimut pilersaarummut tapiliussaq nr. 5 illoqarfiup ilaanut pilersaarut 3E2-1, Sarfaarsuit Qooruat, ataavartumik qisunnik inaalitsivik, ataatsikkut suliarineqarput, tassami illoqarfiup ilaanut pilersaarut Kommunimut pilersaarut 2005-2014-imut sanilliullugu nikingassuteqarmat.

Illoqarfiup ilaanut pilersaarut 3E2-1-ip, Sarfaarsuit Qooruat, ataavartumik qisuusivik, tunuliaqutaa tassaavoq qisunnik eqqakkanik

ataavartumik inaalitsivimmik
pisariaqartitsineq.

Nuup Kommunea suliffeqarfinit,
sanaartornernit kiisalu ingitserinermik
suliaqartunit qisunnik igitassank
tigooqqaasarpog. Qinnigutsinni sanaartornerit
Nuullu illoqarfiata nutarterneqarnerata
kingunerisaanik qisuit igitassat allallu
sanaartornermit ikuallanneqarsinnaasut ukiuni
kingullerni annertuseriarujussuarsimapput.
Siusinnerusukkut qisuit ikuallaavimmi
ikuallanneqartarsimapput piffissamili
sivisuatsiaami ikuallaavimmi eqqakkat
nalinginnaasut kisimik
ikuallanneqarsinnaalersimapput.

Qisunnik eqqakkat atoqqinneqarsinnaanngitsut
aammalu avatangiisit aningaasaqarnerlu
eqqarsaatigalugit qisunnik eqqakkanik
ataavartumik inaalitsiviliornissaq
pitsaanerpaamik aaqqiinerussaaq.

Taamaattumik ikuallaavik
naammassisaqarsinnanersillugu
suliarineqarnissaata tungaanut Nuup
Kommunea qisunnik eqqakkanut ataavartumik
inaalitsivimmik pisariaqartitsivoq. Ukiuni
tulliuttuni tallimani eqqakkanik
suliarinnittarfimmik nutaamik
naammassisaqarnerusinnaasumillu
sanasoqarnissaa Nuup Kommuneata
anguniagaraa.

Sumiiffik

Kommunimut pilersaarummut tapiliussami nr.
5-imi killiliussaqaarfimmik nutaamik
tunniussisoqarpoq:

- 3E2, Sarfaarsuit Qooruat, ataavartumik
qisunnik inaalitsivik

Tassunga tunngatillugu Kommunimut
pilersaarummut tapiliussami killiliussatut
immikkoortup matumap killeqarfii
attorneqarput:

- 3D1, Quassussuup Tungaani
illoqarfiup ilaani sumiiffiit
sanaartorfigeqqusaanngitsut

Siunertaa imarisaalu

Kommunimut pilersaarummut tapiliussami nr. 5-imi siunertarineqartoq tassaavoq:

- Killiliussatut immikkoortup 3E2-p killiliussatut immikkoortumit 3D1-imit avissartinneqarnissaa, taamaalilluni qisunnik eqqakkanut ataavartumik inaalitsiviliornissamut nunaminertaq qulakkeerneqassammat.
- Ataavartumik qisunnik inaalitsiviup naammassineqareerneratigut killiliussatut immikkoortup 3E2-p sumiiffittut D-nngortinneqarnissaa, sukisaarsartarfik annertunerusunik sanaartugartalik, qulakkiissallugu.

Killiliussatut immikkoortumut 3D1-imut killiliussatut aalajangersagaareersut killiliussallu quppernemi 14 aamma 15-imi takuneqarsinnaapput.


Killiliussatut immikkoortumut 3D1-imut aamma 3E2-mut siunissami killiliussassatut aalajangersakkat quppernermi 16-imi takuneqarsinnaapput.

Killiliussatut immikkoortumut 3E2-mut killiliussassatut aalajangersakkat quppernemi 17 aamma 18-imi takuneqarsinnaapput.

Killiliussatut immikkoortumut 3D1-imut killiliussatut aalajangersakkat allanngortinneqassanngillat.

Killiliussatut immikkoortup 3D1-p angivallaarnera pissutigalugu killiliussatut immikkoortoqarfiup tamaat nunap assingatigut takutinneqarnissaa siunertaqarluangitsoq oqaatigineqassaaq. Taamaattorli killiliussatut immikkoortumi 3D1-imi allannguutit tamarmik quppernermi 16-imi nunap assingani ilanngunneqarsimapput. Taamaalilluni killiliussatut immikkoortumi 3D1-imi nunap assitaani ilaatinneqanngitsut Kommunimut pilersaarummut 2005-2014-imut sanilliullugit allannguuteqanngillat.

Killiliussaareersut




Killiliussatut aalajangersagaareersut

SUMIIFFIK	3D1 – NUNAMINERTAT SANAARTORFIGEQQUSAANGITSUT
Pissutsit pioreersut	Sumiiffimmi nunaminertat anginerusut mikinerusullu, imminnut atasut aamma sanaartorfigeqqusaanngitsut ilaatinneqarput. Nunaminertat pinngortitatut isikkoqartinneqarnerupput ataasiakkaanik atortoqarfeqarlutik, soorlu assersuutigalugu pilersuinermi ledningit illullu ataasiakkaat.
Iluseq pingaarneq	Ilutsimi pingaarnermi nunaminertat sanaartorfigeqqusaanngitsut, qorsooqqissutut qanittumillu ornittakami sukisaarsaartarfittut sunngiffimmilu ornittakatut tunniunneqarput.
Illoqarfiup ilaanut pilersaarusiornermi aalajangersakkat	Illoqarfiup ilaanut pilersaarusiornermi killiliussat nalinginnaasut sumiiffimmut atuupput. Tamatuma saniatigut killiliussatut aalajangersakkat tullinnguuttut makku aalajangersarneqarput:
Nunaminertanik atuineq	Sumiiffik nunaminertatut sanaartorfigeqqusaanngitsutut sukisaarsaartarfittullu siunertaqartunut tunniunneqarpoq. Mountainbikenik sikkilertarfiliortoqarsinnaallunilu sisoraatinik oqilaniuffinni oqattaasarfiliortoqarsinnaavoq. Tamatuma saniatiguttaaq Qasigianngani umiatsianut qaqitsisarfiliortoqarsinnaavoq.
Initussuseq	Immikkut piumasaqaatitaqanngilaq.
Sanaartukkat	Sanaartugaareersut sukisaarsaarnermi atuinissamut siunertaqartunik aatsaat alliliiffiqeqarsinnaapput. Sanaartukkat allat nunaminertanik sanaartorfigeqqusaanngitsunik sukisaarsarfittut atugassatut siunertaqartut taamaallaat pilersinneqarsinnaapput.
Illoqarfimmik nutarterineq iisaterinerlu	Immikkut piumasaqaatitaqanngilaq.
Eriagisariallit ilisarnaataat	Immikkut piumasaqaatitaqanngilaq.
Nunaminertat sanaartorfigeqqusaanngitsut nunallu ilisarnaataat	Immikkut piumasaqaatitaqanngilaq.
Angallannermut teknikkimullu sanaartukkat	Immikkut piumasaqaatitaqanngilaq.
Avatangiisinut piumasaqaatit nunaminertallu piumasaqaatitaqarfiusut	Sisoraatinik oqilaniuttut aqqutaanni oqattaasarfiliortoqarsinnaavoq. Isumannaallisaasoqarlunilu nipiliortarnissaq eqqarsaatigineqassapput. Mittarfimmut tunngatillugu nunaminertaq isumannaallisaaffiusoq pillugu aalajangersakkat ataqqineqassapput. Sumiiffimmi sanaartukkat atortullu eqqarsaatigalugit mittarfimmut tunngatillugu nunaminertaq nipiliorfiusoq pillugu malittarisassat

KOMMUNIMUT PILERSAARUMMUT TAPILIUSSAQ NR. 5**Illoqarfiup ilaanut pilersaarut 3E2-1, Sarfaarsuit Qooruat, ataavartumik qisunnik inaalitsivik**

Immikkoortukkuutaarlugit allililerinerit	ataqqineqassapput. Nunaminertat mittarfiup eqqaani nipiliorfeqarfimmut ilaatinneqartut (mittarfimmiit miiterit 700-it) nipinut malussarissunik siunertaqartunik, tassunga ilanngullugu inissiatut siunertaqartunik, atuiffiussanngillat. Immikkut piumasaqaatitaqanngilaq.
---	--

Siunissami killiliussassat



Killiliussat nutaat

SUMIIFFIK	3E2 – SARFAARSUIT QOORUAT
Pissutsit pioreersut	Sumiiffimmiippoq Siaqqinnerup aamma inissiaqarfiup Sarfaarsuit kangiatungaani erngup aqqaata akornanni qoororsuaq. Sumiiffik 4,5 ha-it missaanniippoq.
Iluseq pingaarneq	Ilutsimi pingaarnermi sumiiffik teknikkinut atortunut tunniunneqarpoq. Inaalitsiviup atorunnaarnerata kingorna immikkoortumut killiliussaq allanngortinneqassaaq immikkoortortamullu D-mut ilanngutitinneqarluni, tassa sukisaarsarfinnut annertunerusunut atugassanngortinneqarluni.
Illoqarfiup ilaanut pilersaarusiornermi aalajangersakkat	Illoqarfiup ilaanut pilersaarusiornermi killiliussat nalinginnaasut sumiiffimmut atuupput. Tamatuma saniatigut killiliussatut aalajangersakkat tullinnguuttut makku aalajangersarneqarput:
Nunaminertanik atuineq	Sumiiffik qisunnik eqqakkanut ataavartumik inaalitsivittut suliffeqarfittut immikkut mingutsitsisut tunniunneqarpoq. Inaalitsivik ikualaavimmi qisunnik eqqakkanik allatut suujunnaarsitsisinnaalernissap tungaanut atorneqarsinnaavoq. Inaalitsiviup atorneqarunnaarneraniit ukiup ataatsip iluani inaalitsivik atorneqarunnaavissorneqassaaq. Illoqarfiup ilaanut pilersaarutip akuersissutigineqarneraniit svisunerpaamik ukiut qulit qaangiuppata inaalitsiviit A aamma B pilersinneqarsimassapput naammassineqarsimassallutillu. Inaalitsisoqartarunnaarnerata kingorna inaalitsivik sukisaarsartarfinngortinneqassaaq, taannalu sukisaarsartarfittut anginerusunik sanaartugartalittut atorneqarsinnaavoq, tassunga ilanngullugu golfertarfittut. Tassunga atatillugu immikkoortoq immikkoortortamut D-mut ilanngutitinneqassaaq, sukisaarsarfinnut annertusunerusunut.
Initussuseq	Immikkut piumasaqaatitaqanngilaq.
Sanaartukkat	Sumiiffimmi sanaartortoqarsinnaanngilaq.
Illoqarfimmik nutarterineq iisaterinerlu	Immikkut piumasaqaatitaqanngilaq.
Eriagisariallit ilisarnaataat	Immikkut piumasaqaatitaqanngilaq.
Nunaminertat sanaartorfigeqqusaanngitsut nunallu ilisarnaataat	Inaalitsivik ataavartup qaava sukisaarsartarfittut atorneqarnissaanut naleqquttunngorlugu pilersinneqarlunilu atorunnaarsinneqassaaq. Inaalitsivik qoororsuaq aqqusermit Manguaqqamit tikikkuminarnerusunngorlugu ilusilersorneqassaaq. Tamanna ilutigalugu kujammut qoororsuarmik pitaasumik inaalitsiviup inaarsarneqarnissaa qulakkeerneqassaaq, sumiiffiup kujataatungaani eqqagassalerinermut assiaqutitut. Sanaartornerni sisorartartut aqqaata aamma golfertarfimmiit ruujorsuakkut aqquserngup Siaqqinnerup avannaatungaani sissap tungaanut aqqut mianerineqassaaq, aamma ataavartumik.
Angallannermut teknikkimullu sanaartukkat	Manguaqqamiit qoororsuakkut ruujorsuakkullu aamma aqquserngullu Siaqqinnerup kujataatungaani sissap tungaanut aqqusineeraq qulakkeerneqassaaq. Qoororsuaq atuarlugu aqqusineeraliornermi sukkut tamaana tummeqqiortoqarsinnaavoq, aqqusialiortoqarsinnaavoq ungaluusaliortoqarsinnaallunilu. Inaalitsivik kujataatungaaniit sananeqassaaq, taamaalluni qoororsuup avannaatungaani sukisaarsartarfiup iluaqutaassusia

KOMMUNIMUT PILERSAARUMMUT TAPILIUSSAQ NR. 5**Illoqarfiup ilaanut pilersaarut 3E2-1, Sarfaarsuit Qooruat, ataavartumik qisunnik inaalitsivik**

Avatangiisinut piumasaqaatit nunaminertallu piumasaqaatitaqarfiusut	innarlerneqannginniassammat. Qisunnut ataavartumik inaalitsivik ataavarteq avatangiisinut akuersissummik piumasaqaatitaqarpoq. Sumiiffimmi sanaartukkat atortullu eqqarsaatigalugit mittarfimmut tunngatillugu nunaminertaq nipiliorfiusoq pillugu malittarisassat ataqqineqassapput. Nunaminertat mittarfiup eqqaani nipiliorfeqarfimmut ilaatinneqartut (mittarfimmiit miiterit 700-it) nipinut malussarissunik siunertaqartunik, tassunga ilanngullugu inissiatut siunertaqartunik, atuiffiussanngillat.
Immikkoortukkuutaarlugit allililerinerit	Immikkoortoq immikkoortortanut marlunnut avinneqassaaq. Kujataatungaani immikkoortortaq 300 miiterit missiliorlugit takissuseqarpoq 75.000 m³-it missiliorlugit initussuseqarluni. Avannaatungaani immikkoortortaq 200 miiterit missiliorlugit takissuseqarpoq 45.000 m³-it missiliorlugit initussuseqarluni. Inaalitsivik immikkoortunut marlungorlugu suliarineqassaaq, kujataata' tungaani immikkoortortaq siulliullugu atulersinneqassaaq. Avannaatungaani immikkoortortaq aatsaat atulersinneqassalluni siumut naatsorsuutigineqanngitsumik igitat amerleriarujussuarnerisa kingunerisaanik atorfissaqartinneqaleriataassappat imaluunniit nutaamik ikuallaaviliorerup kinguaattoorneratigut.

Aalajangersakkat

Kommunalbestyrelsip matumuuna Inatsisartut peqqussutaat nr. 6, 19. decembarimeersaq kingusinnerpaamik Inatsisartut peqqussutaatigut nr. 17, 30 oktobari 1992-imi allannguuteqartinneqartoq aamma Nunaminertat atorneqartarnerat pilersaarusiortifigineqartarnerallu pillugit nalunaarutikkut nr. 23, 18. november 1992-imeersaq kingusinnerusukkut allannguuteqartinneqartoq naapertorlugu aalajangersakkat makkua aalajangersarpai.

§ 1 Illoqarfiup ilaanut pilersaaruttip siunertai

- 1.1 Illoqarfiup ilaanut pilersaaruttip siunertai tassaapput:
- Qisunnik eqqakkanut ataavartumik inaalitsivimmut nunaminertamik qulakkeerinnissalluni.
 - Ataavartumik inaalitsiviup pilersinneqarnerani sapinngisaq tamaat avatangiisit, tassunga ilanngullugit golfertarfiup sukisaarsartarfittut aamma sisoraatinik oqilaniuttarfiup atorneqarnera, mianeralugit pilersinneqarnissaa qulakkiissallugu.
 - Inaalitsiviup ilusilersorneqarnerani siunissami qooqqup sukisaarsartarfittut siunertaqartunik atorneqarnissaanut periarfissat annertuunngortinneqarnissaat qulakkiissallugu.

§ 2 Illoqarfiup ilaanut pilersaaruteqarfik taassumalu agguattarneqarnera

- 2.1 Illoqarfiup ilaanut pilersaaruteqarfiusoq 4,5 ha-it missaanniippoq ilanngussaq 1-imilu killiliussaqarfii takutinneqarput.
- 2.2 Illoqarfiup ilaanut pilersaaruteqarfik ilanngussami 2-mi takutinneqartutut immikkoortunut A-mut aamma B-mut agguataagaavoq.

- 2.3 Kujataatungaani immikkoortoq A 300 meterit missaanni takissuseqarpoq 75.000 m³-it missaanni annertutigisunik immerneqarsinnaalluni.
- 2.4 Avannaatungaani immikkoortoq B 200 meterit missaanni takissuseqarpoq 45.000 m³-illu angullugit immerneqarsinnaalluni.

§ 3 Atuineq

- 3.1 Immikkoortut A aamma B qisunnik ataavartumik inaalitsivittut tunniunneqarput.
- 3.2 Qisunnik ataavartumik inaalitsivik suliffeqarfiuvoq immikkut mingutitsisoq taamaattumillu *avatangiisit illersorneqarnissaat pillugu Inatsisartut peqqussutaanni nr. 12, 22. decembari 1988-imeersumi, kingusinnerusukkut allannguutitaqartinneqartumi, kapitel 15-imut ilaatinneqarpoq.*
- 3.3 Inaalitsivik marlunnut immikkoortunngorlugu pilersinneqassaaq, taakkunani kujataatungaani immikkoortoq A siulliullugu atorneqalissalluni.
- 3.4 Avannaatungaani immikkoortoq B siumut ilisimareersinnaanngisanik pisoqartillugu, soorlu eqqakkat amerleriarujussuarneranni imaluunniit nutaamik ikuallaaviliornissaq kingusinaarpat, aatsaat atorneqalissaaq.
- 3.5 Illoqarfimmut imermik pilersuinermi isumannaallisaaneq eqqarsaatigalugu immikkoortoq A-mi erngup aqqutaaniit 20 meterit iluanni qisunnik inaalissuisoqassanngilaq. Erngulli aqqutaanut 10 meterinik ungasissusilimmi ujaqqanik immiisoqarsinnaavoq, takuuk ilanngussaq 2.

3.6	Immikkoortuni A-mi aamma B-mi inaalitsiviit pilersinneqareernerisigut sumiiffiit sukisaarsartarfittut tunniunneqarput. Immikkoortorli A sukisaarsarfinnut ilanngutitinneqarnissaaq eqqarsaatigalugu immikkoortup B-p atorunnaarnissaa utaqqittariaqanngilaa.	§ 6	Nunaminertat sanaartorfigineqanngitsut
3.7	Sumiiffimmi illuliortoqassanngilaq.	6.1	Ataavartumik inaalitsivik annerpaamik kujataatungimigut nunamiit uuttuut kote atorlugu uuttuinnermi 27,5-imik qatsissuseqartinneqassaaq avannaatungimigullu kote 35 missiliorlugu qatsissuseqartinneqassalluni.
3.8	Inaalitsivilioreernerup kingorna silami sukisaarsartarfinnut atortunik pilersitsisoqassaaq, assersuutigalugu golfertarfik allillugu.	6.2	Inaalitsivik kimmuk kussiukkap tungaanut 20 %-it missaani sivingasunngorlugu pilersinneqassaaq.
§ 4	Aqquuserngit aqqusineeqqallu	6.3	Inaalitsivik piffissani aalajangersimasuni pilersinneqartassaaq, tamatumani piffissami aalajangersimasuni pilersitsineq naammassigaangat inaalitsivik inaarlugu ujaraaqqaanik ujaqqanillu qallerneqartassaaq, taamaalluni isigisat eqqarsaatigalugit inaalitsivik avatangiisinut ajoqutaasinnaanera annikinnerpaaffimminiinniassammat.
4.1	Sumiiffimmi aqquuserngit tamarmik ilanngussami 2-mi takutinneqartutut nutaamik aqquserniakkut killiuliussatut immikkoortukku 3E1-ikkoortinneqassapput.	6.4	Qisuit inaalissukkat sivilisunerpaamik sapaatit akunnerani ataatsimi qallersorneqartassanngillat.
4.2	Inaalitsiviup pilersinneqarnerani sisoratinik oqilaniuttartut aqqutaat sumiiffimmi allakkut, tassanngaanniillu golfertarfimmut atassuserneqarnissaanut innersuussisoqarsinnaassaaq.	6.5	Inaalitsiviup atornerata nalaani ukiumoortumik naggorissaasersorneqartassaaq issamik ivigassanillu qallerlugu.
4.3	Amcomik ruujorip eqqaani tasininnerani ruujorikkullu imermik kuutsitsinnermi golfertarfimmiit Nuffiومانermut aqqusineeraq qulakkeerneqassaaq.	6.6	Aqqusineeqqat ujaraaqqaanik qalersimassapput.
4.4	Golfertarfiup Nuffiومانargullu akornanni aqqusineeraqarnissaa qulakkeerniarlugu sumiiffimmi sanaartorfigeqqusaanngitsumi 3D1-imini annikitsumik nunagissaasoqarsinnaavoq imaluunniit aqqusialortoqarsinnaavoq.	6.7	Inaalitsivimmut tunngatillugu atortut sumiiffimmi taassumalluunniit avataanut siaruaassinnaajunnaarsinneqassapput.
§ 5	Sanaartukkat annertussusaa inissisimafialu	6.8	Inaalitsiviup atorneraarunnaarneraniit ukiup ataatsip iluani inaalitsiviliorneq naammassineqassaaq.
5.1	Sumiiffimmi illuliortoqaqqusaanngilaq.	6.9	Illoqarfiup ilaanut pilersaarutit akuerineqarneraniit ukiut 5-it iluanni inaalitsivik A naammassereerneqarsimassaaq. Inaalitsivillu B sivilisunerpaamik ukiut

qulit qaangiunneranni
pilersinneqarsimassaaq
naammassineqarsimassallunilu.

- 6.10 Inaalitsiviup avannamut killiliussatut
immikkoortup 3D1-ip tungaanut isua
uingalaartunnguanngorlugu (30%-it
missaannik) ilusilersorneqassaaq,
taamaalilluni qooqqup naqqaniit
inaalitsiviup tungaanut ikaarsaariarneq
malunnanngingajanniassammat.


§ 7 Teknikkikut atortulersuutit

- 7.1 Killiliussatut immikkoortoq 3D1
sinerlugu erngup aqqutaa
ataqqineqassaaq.
- 7.2 Atortulersuutit erngup aqqutaanut
attuumassuteqartut tamakkiisumik
tikinneqarsinnaassapput.


Akuersissutigineqarneranut atsiornerit

Matumuuna Illoqarfiup ilaanut pilersaarut, 3E2-1, Sarfaarsuit Qooruat, ataavartumik qisunnik inaalitsivik Kommunimut pilersaarummut tapiliussartalik nr. 5, Nuup Kommuneani Kommunalbestyrelsimit akuersissutigineqarpoq.

Nuup Kommunea, ulloq 4/9. 2007.




Agnethe Davidsen
borgmesteri




Kim Hvistendahl
allafissornermi pisortaaneq


Kalaallit Nunaanni Naalakkersuisut matumuuna Kommunimut pilersaarummut tapilussaq nr. 5 akuersissutigineqarpoq.

Ulloq: 11/9 - 2007



Illoqarfiup ilaanut pilersaarut 3E2-1, Sarfaarsuit Qooruat, ataavartumik qisunnik inaalitsivik, Kommunimut pilersaarummut tapiliussartalik nr. 5, inaarutaasumik ulloq 19/9 2007 atortussanngortinneqarpoq.





3C6

3D1

3D1

B

3D3

3A4

A

3E1

3B1

Atsiornernanut nassuiaat / Signaturforklaring

- ● ● ● Illoqarfiup ilaanut
- pilersaarusionsiorfiup killeqarfia
- Immikkoortup agguataarnerata killeqarfia
- Erngup aqqutaa
- Appakaattarfik
- Ataqqinnilluni ungasissuseq

NUUP KOMMUNEA
Teknikkimut Avatangiisinullu ingerlatsivik
Forvaltning for Teknik og Miljø
Illoqarfimmut pilersaarut / Byplan

Illoqarfiup ilaanut pilersaarut 3E2-1
Lokalplan 3E2-1

Ilanngussaq 2
Sumiiffiup immikkoortiterneqarnera
Bilag 2 Områdeinddeling



Uttuut / Mål 1:2000

Aggusti/august 2007

